

DECLARATION

DV ROY, EN FAVEUR
des Princes, Ducs, Pairs, Officiers
de la Couronne, Seigneurs, Gentils-
hommes & autres qui s'estoient
esloignez de sa Majesté.

Publiée en Parlement le 12. May, 1617.



A PARIS,

Par FED. MOREL, & P. METTAYER,
Imprimeurs ordinaires du Roy.


M. DC XVII.

Avec Privilege de sa Maieſté.

DECLARATION

DU ROY, EN FAVEUR
des Princes, Ducs, Princes, Officiers
de la Couronne, Seigneurs, Gentils-
hommes & autres qui s'attachent
à l'obéissance de la Majesté.

Publié en Parlement le 14 Mars 1715.



A PARIS,

Par F. B. MOREL, & P. MERTAY,
Imprimeurs ordinaires du Roy.

M. DC XVII.

En l'année Princes de la Majesté.



OVIS par la grace
de Dieu , Roy de
France & de Nauar-
re , A tous presens
& à venir, Salut. La
prompte obeissance
qu'ont rendu à nos commande-
mens depuis la mort du Marechal
d'Ancre , les Princes , Ducs , Pairs,
Officiers de nostre Couronne , Sei-
gneurs , Gentilshommes , Officiers
de nos Cours souueraines , & tous
ceux qui les auoient assiste , con-
tre lesquels nous auions decerné
nos lettres patentes des mois de lan-
uier & Feurier derniers, nous a faict
assez cognoistre que le seul desir de

leur conseruation , & d'empescher
 la ruine qui leur estoit procuree par
 les insolens , violens & pernicieux
 desseins dudit Marefchal d'Ancre ,
 les auoit contrains à s'esloigner de
 nous , & chercher leur seureté dans les
 armes , bien qu'illicites , d'autant que
 ledit Marefchal se seruoit , contre no-
 stre intention , de nos forces pour les
 opprimer. Mais comme il a esté de
 nostre dignité de decerner nos let-
 tres de Declaration à l'encôtre d'eux ,
 lors qu'ils commettoient des actions
 contraires à leur deuoir , au lieu
 d'attendre iustice de nous : Mainte-
 nant que nous sommes asseurez de
 leur fidelité , & qu'ils nous ont faict
 recognoistre que la seule necessité
 de leur conseruation , les auoit por-
 tez à s'associer seulement pour s'op-
 poser aux violences dudit Maref-
 chal : Et que nous auons esté suffi-

samment informez de leur part, de leurs bonnes intentions enuers Nous & nostre Royaume, & du desir qu'ils ont d'employer leurs vies pour en accroistre la grandeur, & maintenir Nous & nostre autorité : Et qu'ils font grandement desplaisans d'auoir leué des gens de guerre, arresté & prins nos deniers : imposé sur nostre peuple des contributions, & faict traualier aux fortifications des places qu'ils tenoient, nos subjets à coruees : Ce qu'ils nous ont protesté qu'ils n'eussent iamais entrepris, & moins de faire entrer des estrangers dans nostre Royaume, s'ils n'y eussent esté contraints pour eiter la ruine & desolation entiere d'eux & de leurs familles : Il est de nostre clemence & Royale bonté, en les traictant fauorablement, de leur pardonner les fautes qu'ils peuuent

en cela auoir commises , & de les
 reftablir dans les charges, honneurs
 & dignitez qu'ils poffedoient aupar-
 auant : puisque d'ailleurs cela peut
 feruir pour affermir en nostre Roy-
 aume la paix tant neceffaire & de-
 firee des gens de bien. C'est pour-
 quoy apres auoir mis cet affaire en
 deliberation en nostre Conseil où
 eftoient aucuns Princes de nostre
 fang , autres Princes , Ducs , Pairs ,
 Officiers de nostre Couronne , &
 principaux de nostredit Conseil,
 Sçauoir faisons que de l'aduis d'ice-
 luy , & de nostre certaine fcience,
 pleine puiffance & authorité Roya-
 le, Nous auons dit & déclaré, difons
 ta. & declarons par ces presentes signees
 de nostre main, Que nous tenons les-
 dits Princes, Ducs, Pairs, Officiers de
 nostre Couronne , & tous ceux qui
les ont affistez , pour nos bons &

loyaux subjets & seruiteurs : Vou-
 lons & entendons la memoire de
 tout ce qui est arriué en ces derniers
 mouuemens pour les faicts cy des-
 sus specifiez , & autres concernans
 ladite leuee d'armes , & actes d'ho-
 stilité, demeurer du tout esteinte &
abolie ; comme nous l'esteignons &
abolissons par cesdites presentes ; à la
 charge que à l'aduenir ils se con-
 tiendront dans les bornes du respect
 qu'ils nous doiuent , & rendront
 l'obeissance qu'ils sont tenus à nos
 commandemens : Et que dés à pre-
 sent ils renonceront à toutes ligues
 & associations qu'ils peuuent auoir
 faictes entr'eux & autres nos subjets
 ou estrangers, tant dedans que hors
 le Royaume, de quelque condition
 qu'ils puissent estre : & generale-
 ment s'acquitteront du deuoir de
 bons & fidels subjets & seruiteurs,

à quoy leur naissance les oblige : & moyennant ce , nous les auons reſta-
 blis & reſtabliſſons en tous & cha-
 cuns leurs biens , meubles & immeu-
 bles , honneurs , dignitez , charges ,
 eſtats , offices & penſions , deſquels
 nous leur donnons pleine & entiere
 main-leuee , leuons & oſtons à ceſte
 fin toutes faiſies ſur iceux. Voulons
 & entendons qu'ils iouyſſent de nos
 graces , faueurs , bienfaits , honneurs
 & gouuernemens ; & exercent leurs
 charges & offices , ainſi qu'ils fai-
 ſoient auparauant , ſans qu'ores & à
 l'aduenir ils y puiſſent eſtre troublez
 ny empeschez en quelque ſorte &
 maniere que ce ſoit : Impoſant ſur ce
ſilence à nos Procureurs Generaux,
leurs Subſtituts preſens & à venir, &
 tous autres : nonobſtant toutes De-
 clarations , interdictions , & autres let-
 tres patentes qui ont eſté cy-deuant
 par nous

par nous decernees & publiees en nos Parlemens au contraire. Lesquelles nous auons reuoquees & reuoquós, declarées & declarons nulles & de nul effect & valeur, & tout ce qui s'est faict en execution d'icelles : lesquelles pour cet effect de nostre grace speciale, nous voulons estre ostees & tirees des Registres de nos Cours de Parlemens. Tenons en outre quit-tes & deschargez ceux qu'ils ont commis aux maniemens de nos deniers & autres qu'ils pourroient auoir imposez & actuellement touchez, pourueu que dans six semaines apres la publication des presentes ils rapportent en nostre Chábre des Comptes double de leurs estats, arrestez & signez par l'un desdits Princes & Ducs: & pareillement des bois qu'ils peuuent auoir coupez & enleuez de nos Forests: Voulons aussi que nos Edicts & De-

clarations cy-deuant faictes pour la
 Pacification des troubles de nostre
 Royaume, mesmes celuy de Blois
 en suite & consequence du Traicté
 de Lodun, soient inuiolablement e-
 xecutez, gardez & obseruez de poinct
 en poinct selon leur forme & teneur,
 & que sous l'auctorité & benefices
 d'iceux, tous nos subiets tât Catholi-
 ques que de la Religion pretenduë re-
 formée, viuent desormais en bonne
 paix, vnion & intelligence sous no-
 stre obeyssance, sans qu'ils se facent
 les vns aux autres aucuns reproches
 pour raison des choses passées. SI
 DONNONS EN MANDEMENT
 à nos amez & feaux Conseillers les
 gens tenans nos Cours de Parlemens,
 Chambres de nos Comptes, Baillifs,
 Seneschaux, Iuges ou leurs Lieute-
 nans, & à tous nos autres Iusticiers &
 Officiers qu'il appartiendra chacun

endroit foy, que ces presentes ils ver-
rifient, & facent lire, publier, garder &
obferuer felon leur forme & teneur.
Et afin que ce foit chofe ferme & fla-
ble à tousiours, Nous auons fait met-
tre nostre feel à cesdictes presentes.
CAR tel est nostre plaifir. Donné au
Bois de Vincennes au mois de May,
l'an de grace, mil fix cens dixfept. Et
de nostre Regne le feptiefme.

Signé,

LOVYS.

Et fur le reply, Par le Roy,

DE LOMENIE.


Et à costé eft escrit, VISA.


Et feellé du grand feel de cire verte
fur lacs de foye rouge & verte.

Leuës, publiées & Registrées, ouy & ce requérant le Procureur General du Roy, ordonne que coppies collationnées seront enuoyees aux Bailliages & Seneschauſſées, pour y estre leuës, publiées & registrées à la diligence des Subſtituds dudit Procureur General, qui la certifieront auoir ce faiët au mois, à peine d'en reſpondre en leur nom. A Paris en Parlement, le douzième May, mil ſix cens dix-sept.

Signé,


DV TILLET.











RARE BOOK ROOM



THE UNIVERSITY OF
NORTH CAROLINA
LIBRARY

DC123.3
D42

